



**Qhib Sau Npe Xaiv Tsev Kawm Ntawv  
2019-2020**

**Cov Lus Nug uas Nug Heev Tshaj**

**Cov Tsev Kawm Ntawv  
Elementary thiab Middle  
Qib K - 8**

**Qhov kev xaiv tsev kawm ntawv no yog rau cov  
tsev neeg uas xaiv tsis mus kawm rau lawv lub tsev  
kawm ntawv raws li cheeb tsam chaw nyob.**

**1. Qhib Sau Npe Xaiv Tsev Kawm Ntawv “Open Enrollment” yog dabtsi?**

Qhib Sau Npe Xaiv Tsev Kawm Ntawv yog ib lub caij rau txhua tus menyuam uas nyob ruaj chaw rau ib thaj tsam hauv koog tsev kawm ntawv Sacramento City Unified School District tuaj sau npe xaiv mus kawm ntawv rau cov tsev kawm ntawv elementary thiab middle (Qib K txog 8 ) uas nws nyiam nyob hauv koog tsev kawm ntawv, yog tias muaj chaw seem.

**2. Leej twg thiaj muaj feem tuaj koom tau rau txoj kev Qhib Sau Npe Xaiv Tsev Kawm Ntawv no?**

Tsuas yog cov menyuam kawm ntawv nyob ib ncig hauv koog tsev kawm ntawv SCUSD thiaj koom tau txoj kev Sau Npe Xaiv Tsev Kawm Ntawv xwb.

**3. Hauv paus tsev kawm ntawv puas yuav muaj tsheb npav tos thiab xa cov menyuam mus rau lub tsev kawm nawv uas xaiv ntawd?**

Yuav tsis muaj tsheb npav tos thiab xa cov menyuam sau npe xaiv tsev kawm ntawv no. Niam thiab txiv yuav tsum yog cov tos thiab xa nws tus menyuam mus kawm ntawv.

**4. Kuv yuav mus ua daim ntawv Sau Npe Xaiv Tsev Kawm Ntawv qhov twg?**

Cov menyuam kawm Kindergarter es yuav mus kawm rau qib 1 lub xyoo 2019-2020 thiab cov uas twb nyob rau qib 1 txog 7 lawm mus sau npe tau “online” thaum twg los tau, qhib 24 xuaj moos rau koj sau npe uas yuav pib thaum 8:00 teev sawv ntxov mus txog 5 teev tsaus ntuj hnuv Tuesday, lub 2 hlis tim 5, 2019 mus txog hnuv Tuesday, lub 2 hlis tim 19, 2019. Koj mus sau npe xaiv tsev kawm ntawv “online” tau rau ntawm [www.scusd.edu/open-enrollment](http://www.scusd.edu/open-enrollment).

Koj tuaj sau npe kiag tau ntawm lub chaw pib hnuv Wednesday, lub 2 hlis tim 13 mus txog rau hnuv Friday, lub 2 hlis tim 15, 2019. Qhov tuaj sau npe kiag yuav nyob rau ntawm lub chaw Enrollment thiab Attendance Center uas nyob rau ntawm 5601 47<sup>th</sup> Avenue raws li cov sijhawm nram no:

<b>Hnuv Wednesday</b>	<b>Lub 2 hlis tim 13, 2019</b>	<b>9 a.m. – 3 p.m.</b>
<b>Hnuv Thursday</b>	<b>Lub 2 hlis tim 14, 2019</b>	<b>12 p.m. – 5 p.m.</b>
<b>Hnuv Friday</b>	<b>Lub 2 hlis tim 15, 2019</b>	<b>9 a.m. – 11 a.m.</b>



**5. Kuv yuav mus nqa daim ntawv sau npe xaiv tsev kawm ntawv qhov twg yog tias kuv xav sau**

**npe kawm rau cov kev kawm tshwj xeeb (xws li: Alice Birney, Camellia Basic, Leonardo da Vinci, Phoebe Hearst)?**

Daim application qhib sau npe xaiv tsev kawm ntawv tsuas muaj nyob rau ntawm qhov vevxaij @ [www.scusd.edu/open-enrollment](http://www.scusd.edu/open-enrollment). **Cov hnuv uas cia li tuaj sau npe kiag ntawm chaw muaj raws li nyob ntawm nplooj thib ib ntawm cov ntaub ntawv no.** Thov tiv toj tau rau lub chaw Enrollment thiab Attendance Center ntawm 916-643-9075 yog muaj lus nug dabtsi.

**6. Yog tias kuv ua ntawv tsis ncav sijhawm li koog tsev kawm ntawv cov hnuv teem tseg rau kev Qhib Sau Npe Xaiv Tsev Kawm Ntawv. Kuv yuav ua licas?**

Koj mus ua daim ntawv thov nkag mus kawm rau lwm lub tsev kawm ntawv ntawd (intra-district) tau. Lub chaw sau/cuv npe kawm ntawv Enrollment Center yuav pib txais daim ntawv thov nkag mus kawm rau lwm lub tsev kawm ntawv pib **hnuv Monday lub 4 hlis tim 1, xyoo 2019 mus txog ntua rau hnuv Friday lub 5 hlis tim 17 xyoo 2019 yog tias koj nyob rau hauv koog hauv tsev kawm ntawv SCUSD no.** (thov nqa daim ntawv qhia tag nrho cov qhabnee, daim ntawv qhia seb puas qhaj ntawv thiab daim ntawv uas qhia txog kev coj cwj pwm tom lub tsev kawm ntawv tas los uas tus tub/ntxhais kawm ntawv no mus kawm.)

**7. Kuv muaj feem xaiv tau pes tsawg lub tsev kawm ntawv?**

Ob (2). Thaum ua koj daim ntawv nws yuav muaj 2 qho rau koj xaiv. Qhov koj xub xaiv yuav tsum yog lub tsev kawm ntawv lossis qhov kev kawm koj *nyiam tshaj* – qhov koj xaiv thib 1. Yog koj nyiam lub tsev kawm ntawv no lossis qhov kev kawm no tshaj txhua lub lawm ces koj xaiv tau qhov hais tias **“Tsis xaiv qhov thib 2 li.”**

Yog koj xav tau ob qho kev kawm lossis ob lub tsev kawm ntawv es nkawv puav leej zoo txaus koj siab *ib yam*, koj muaj feem sau tau ob qho - ib qho yog koj qhov kev xaiv thib 1 es ib qho yog koj kev xaiv thib 2. Tabsis kom kom koj paub txog tias, yog qhov koj xaiv thib 2 kam txais lawm ces koj tus menyuam **yuav tsis** muaj feem tso npe nyob tos chaw seem ntawm qhov koj xaiv thib 1 ntawd lawm.

Yog ob qho koj xaiv tsis txais koj tus menyuam hlo li, ces lawv **yuav muab nws lub npe rau daim ntawv nyob tos chaw seem ntawm qhov uas koj xaiv thib 1 ntawd NKAUS XWB.**

**8. Kuv puas muaj feem yuav mus kawm tau rau thawj lub tsev kawm ntawv kuv xaiv ntawd, yog**

**tias kuv yog tus xub thawj tuaj ua cov ntaub ntawv rau thawj hnuv ntawd?** Tsis Muaj. Txawm koj yuav ua cov ntaub ntawv ntawd rau hnuv twg los xij, tsuav yog koj ua nyob rau hauv lub caij Qhib Sau Npe Xaiv Tsev Kawm Ntawv xwb. Daim ntawv sau npe no **tsis yog** hais tias koj xub tuaj ces koj xub tau. Hauv paus tsev kawm ntawv siv “computer” los rho npe/cuv xab lab kom muaj kev ncaj ncees rau txhua tus.

**9. Yog hais tias kuv tus menyuam yeej tau raug xaiv thiab kawm rau lub tsev kawm ntawv uas nws nyiam lawm, ua li kuv puas yuav tau rov ua ntawv dua lawm thiab?**

Tsis Tau (No). Koj tsis tas ua ntawv ntiv lawm. **Lub tsev kawm ntawv koj xaiv ntawd twb yog koj lub tsev kawm ntawv nyob ze koj vaj koj tsev tshaj lawm.**

**10. Kuv tus menyuam puas muaj cai rov qab mus kawm rau lub tsev kawm ntawv ze tsev lossis lub tsev kawm ntawv nws tabtom kawm tom qab uas nws twb tau mus sau npe tas rau lub tsev kawm ntawv xaiv no lawm?**

**Yog koj zoo siab txais koj qhov kev Qhib Xaiv Tsev Kawm Ntawv lawm, lub tsev kawm ntawv uas koj xaiv ntawv yuav yog koj lub tsev kawm ntawv ntawm koj “cheeb tsam”.** Yog koj xav rov qab mus kawm rau lub tsev kawm ntawv raws li koj qhov chaw nyob koj yuav tau mus ua raws li daim ntawv tso cai mus kawm rau lub tsev kawm ntawv ntawd lossis ua qhov Qhib Xaiv Tsev Kawm Ntawv rau xyoo tom ntej, yog tias lub tsev kawm ntawv muaj rau qib kawm ntawd (thov nco



qab ntsoov muab daim ntawv qhia tag nrho cov qhabnee, daim ntawv qhia tias mus kawm ntawv thiab kev coj cwj pwm licas los ntawm lub tsev kawm ntawv nws tab tom kawm tom uake nrog daim thov mus kawm (intra-district permit.)

**11. Yog kuv tus menyuam tuaj kawm rau hauv Sacramento City School cov tsev kawm ntawv vim tau daim ntawv thov tuaj “inter-district permit” (xws li yog nyob dhau ciam teb ntawm koog tsev kawm ntawv cov ciam), kuv puas muaj cai tuaj ua qhov Kev Qhib Sau Npe Xaiv Tsev Kawm Ntawv “Open Enrollment”?**

Tsis Muaj. Cov menyuam nyob lwm koog tsev kawm ntawv es tsuas thov ntawv tso cai tuaj kawm rau hauv koog tsev kawm ntawv Sacramento City no xwb ces yuav tsis muaj cai tuaj sau npe xaiv rau lub sijhawm no. Txawm li ntawv los, lawv kuj tseem muaj cai rov ua daim ntawv thov tuaj kawm dua (inter-district permit).

**12. Kuv yuav mus nqa daim ntawv tso cai (inter-district permit) ntawm qhov twg?**

Koj mus nqa tau daim ntawv tso cai ntawm koj lub hauv paus tsev kawm ntawv, lossis hauv peb qhov vejxaij [www.scusd.edu/enrollment](http://www.scusd.edu/enrollment) los yog mus nqa kiag rau ntawm **SCUSD Enrollment thiab Attendance Center chaw nyob yog 5601 47<sup>th</sup> Avenue lossis hu rau peb ntawm (916) 643-2400**. Koj lub hauv paus tsev kawm ntawm tam sim no yuav tsum pom zoo tso cai ua ntej tso mas koj thiaj yuav xa tau daim ntawv no tuaj rau SCUSD Enrollment Center ua kom tiav hlo. Daim ntawv tso cai no yuav tsum muaj tus menyuam cov ntaub ntawv mus kawm ntawv ntawm nws lub tsev kawm ntawv, daim ntawv qhia txog nws kev coj cwj pwm, thiab cov ntawv qhia qhabnee tom uake nrog daim ntawv thov.

**13. Qhov kev xaiv muab cov tub/ntxhais kawm ntawv tso kawm yog licas?**

Cov tub/ntxhais kawm ntawv no yuav raug xaiv los ntawm siv computer los rho npe/cuv xab lab seb tau leej twg xwb.

**14. Yuav ua licas yog hais tias kuv txaus siab rau ib lub tsev kawm ntawv uas tsis koom hauv kev Qhib Sau Npe Xaiv Tsev Kawm Ntawv?**

Cov niamtxiv yuav tsum tau tuaj ua kom tiav daim ntawv (intra-district permit) thiab tom qab ntawd lub chaw sau npe kawm ntawv mam li hu rau lawv yog thaum muaj chaw seem (thov muab tus menyuam cov ntaub ntawv qhia qhabnee, qhia kev tuaj kawm ntawv txhua hnuv, thiab qhia txog nws kev coj cwj pwm los ntawm lub tsev kawm tag los nws kawm tom uake nrog.)

**15. Kuv yuav nqa ntaub ntawv dabtsi nrog kuv tuaj ua qhov kev Qhib Sau Npe Xaiv Tsev Kawm Ntawv?**

Tsis Nqa. Cov neeg ua hauj hawm ntawm qhov chaw no mam xyuas seb koj lub chaw nyob yog mus rau qhov twg.

**16. Puas muaj neeg txhais lus rau lub caij Qhib Sau Npe Xaiv Tsev Kawm Ntawv?**

Muaj. Muaj cov neeg txhais lus Suav, lus Hmoob, lus Lavxias, lus Mev, thiab lus Nyab Laj.

**17. Cov tub/ntxhais uas kawm ntawv tshwj xeeb “Special Education” koom puas tau rau hauv qhov kev Sau Npe Xaiv Tsev Kawm Ntawv “Open Enrollment”?**

Tau. Tiam sis, cov niamtxiv yuav tsum sau qhia rau hauv daim ntawv Sau Npe Xaiv Tsev Kawm Ntawv hais tias tamsim no lawv tus menyuam tau txais kev kawm dab tsis. Cov tub/ntxhais kawm ntawv uas muaj kev kawm ntawv tshwj xeeb rau ntawm cov kev kawm rau tus kheej (IEP) los yeej muaj feem koom rau kev sau npe xaiv tsev kawm ntawv tsuav yog lub tsev kawm ntawv uas nws xaiv ntawd muaj chaw seem thiab muaj cov kev qhia ntawv rau tus kheej xwb. Cov tub/ntxhais kawm uas muaj kev pab qhia ntawv ntawv rau lwm yam kev kawm xws li speech/language services, Resource Specialist Program (RSP) thiab cov uas kawm ntawv txhwj xeeb nkaus xwb los muaj feem tuaj sau npe xaiv tsev kawm ntawv rau lub caij Qhib Sau Npe Xaiv Tsev Kawm los tau.

**Cov niamtxiv uas pom zoo xav kom lawv cov menyuam mus kawm rau hom kev qhia tshwj xeeb “Special Day Program” yuav tsum hu rau tus neeg saib kev qhia ntawv tshwj xeeb “Program Specialist” hauv chav tuam tsev ua haujlwm Special Education Department ntawm tus xovtooj: 643-9174.**

**18. Txhua lub tsev kawm ntawv nyob hauv SCUSD puas koom kev Qhib Sau Npe Xaiv Tsev Kawm Ntawv?**

Tsis Koom. Tej lub tsev kawm ntawv thiaj koom kev Qhib Sau Npe Xaiv Tsev Kawm Ntawv “Open Enrollment” xwb. Ib



txhia tsev kawm ntawv twb puv ua ntej thaum txog caij Qhib Sau Npe Xaiv Tsev Kawm Ntawv no lawm.

**19. Cov menyuam uas yuav mus kawm rau qib Kindergarten tuaj sau npe xaiv puas tau?**

Tau. **Nyob ntawm tsab cai Kindergarten Readiness Act**, cov menyuam yuav tsum muaj **5 xyoo rau lub 9 hli tim 1 rau xyoo kawm ntawv 2019 thiaj cuv tau npe kawm ntawv (EC Section 48000[a]).**

**20. Puas yog kuv yuav tsum koj kuv tus menyuam mus sau npe kawm qib Kindergarten ua ntej tso mam li mus ua ntaub ntawv xaiv tsev kawm ntawv lod?**

**Koj yuav tsum sau koj tus menyuam npe kawm rau Qib Kindergarten** rau hauv lub tsev kawm ntawv raws nws chaw nyob ua ntej lossis tom qab koj ua qhov kev sau npe xaiv tsev kawm ntawv. Qhov no faj seeb tsam nws ho **tsis tau** kawm rau lub tsev kawm ntawv uas koj xaiv ntawd.

Thov nco ntsoov tias rau kev nyab xeeb thiab tso siab tag nrho rau ntawm peb cov menyuam **TSUAS YOG** tus niamtxiv, tus saibxyuas raug cai lossis tus tuav txoj cai rau kev kawm ntawm tus menyuam thiaj li sau/cuv npe rau tus menyuam kawm rau hauv peb koog tsev kawm no. **Tus niamtxiv/tus saibxyuas raug cai/tus tuav txoj cai rau kev kawm ntawm tus menyuam uas tuaj sau/cuv npe rau tus menyuam npe kawm ntawv YUAV TSUM MUAJ DAIM ID LOS QHIA NWS TUS KHEEJ.**

**Yuav tsum muaj cov ntaub ntawv raws li hauv qab no kom tiav rau kev sau/cuv npe kawm ntawv rau cov tub/ntxhais kawm ntawv \*tuaj TSHIAB rau koog tsev kawm no.**

Thov nqa cov ntaub ntawv raws li nram qab no tuaj sau/cuv npe kawm rau koj tus menyuam rau ntawm lub chaw Enrollment and Attendance Center.

1. **Qhia chaw nyob kom meej: Nqa IB DAIM li cov ntaub ntawv hauv qab no:**

Daim ntawv them nqi tsev yuav **TAMSIM NO (nyuam qhuav xa tuaj nyob rau ntawm 30 hnuv)**

Daim ntawv them Nqi Se Av **TAMSIM NO (nyuam qhuav xa tuaj nyob rau ntawm 30 hnuv)**

Daim ntawv xauj tsev/Cog Lus nrog tus Tswv tsev npe thiab chaw nyob **TAMSIM NO (Yog tias daim ntawv cog lus qub tshaj ib xyoo dhau los lawm LOSSIS yog cog lus xauj tsev nyob ib hlis dhau ib hlis xwb yuav tsum muaj daim tw them nqi tsev tamsim no nrog)**

Ib daim ntawm cov ntawv them nqi **TAMSIM NO** xws li (nqi HLUAV TAWS XOB (SMUD), nqi NKEV (PG&E), lossis nqi DEJ (WATER) nrog rau lub npe kom yog yog thiab chaw nyob ua tus niamtxiv/tus saibxyuas raug cai lossis tus tuav txoj cai rau kev kawm lub npe (**nyuam qhuav xa tuaj nyob rau ntawm 30 hnuv, yuav tsis txais daim ntawv them nqi uas twb DHAU SIJHAWM THEM LAWV**)

**Daim ntawv rau npe xaiv nom TAMSIM NO (nyuam qhuav xa tuaj nyob rau ntawm 30 hnuv)**

Government Agency Daim Ntawv **TAMSIM NO (nyuam qhuav xa tuaj nyob rau ntawm 30 hnuv)**

Daim Tw Tshv Ua Haujlwm **TAMSIM NO (nyuam qhuav xa tuaj nyob rau ntawm 30 hnuv)**

2. **Daim Ntawv Pov Thawj Yug – Yog daim Ntawv Yug Tseem Tseem tuaj tom COUNTY tuaj lossis daim passport uas tsis tau tag sijhawm rau tus menyuam ntawd *\*(Cov Tub/Ntxhais Kawm Ntawv uas Rov Qab Tuaj Kawm Rau Hauv Koog Tsev Kawm No Kuj Yuav Tau Nqa Daim Ntawv Pov Thawj Yug Tuaj Yog Tias Tsis Muaj Nyob Rau Hauv SCUSD Cov Ntaub Ntawv)***
3. **Daim Npav Txhaj Tshuaj tamsim no rau tus menyuam. Cov Qib 7 -12 yuav tsum tau txhaj koob T-Dap Booster *\*(Cov Tub/Ntxhais Kawm Ntawv uas Rov Qab Tuaj Kawm Rau Hauv Koog Tsev Kawm No Kuj Yuav Tau Nqa Daim Npav Txhaj Tshuaj Tuaj Yog Tias Tsis Muaj Nyob Rau Hauv SCUSD Cov Ntaub Ntawv)***
4. **Daim ntawv qhia qhabnee thaum rho npe tawm thiab daim qhia tag nrho cov qhabnee **TAMSIM NO** (Cov Qib 9 – 12 xwb)**
5. **Cov ntaub ntawv Kawm Ntawv Tshwj Xeeb (IEP) rau cov menyuam tau txais cov kev pab kawm ntawv tshwj xeeb (yog tias muaj)**
6. **Cov ntawv Thaj Tsob/Saibxyuas “Guardianship/Custody” (yog muaj)**



### **KOJ QHOV CHAW NYOB PUAS TAU HLOOV?**

Thov aqa cov ntaub ntawv raws li nram qab no tuaj rau ntawm lub chaw Enrollment and Attendance Center

1. Daim npav I.D. ntawm niamtxiv/tus saibxyuas lossis tus tuav txoj cai rau kev kawm.
2. Qhov chaw nyob tshiab uas muaj raws li saum toj (yog tias yog daim ntawv them nqi, yuav tsum yog daim tshiab nyob rau ntawm 30 hnuv txij li hnuv uas xa tuaj)

### **TSIS MUAJ DAIM NTAWV QHIA CHAW NYOB UA KOJ NPE?**

**Tseem Ceeb-** yog tias koj nyob nrog lwm tus thiab koj yog **tus niamtxiv/tus saibxyuas/tus tuav txoj cai rau kev kawm** thiab **tsis muaj** ib qho chaw nyob uas yog koj npe, koj YUAV TSUM NQA LI HAUV QAB NO TUAJ:

- Daim form Declaration of Residency (DOR) **yuav tsum ua kom tiav thiab kos npe** (saib daim DOR form).
- Luam daim I.D. ntawm tus neeg uas muaj npe nyob rau ntawm cov ntaub ntawv qhia chaw nyob.
- Luam ib daim lossis daim tiag tiag ntawm daim ntaub ntawv uas muaj qhov chaw nyob ua tus neeg ntawd npe tuaj.

**YOG TIAS TUS TUB/NTXHAIS KAWM NTAWV YOG NEEG NYOB TSIS MUAJ VAJTSE** Thov hu rau ntawm lub chaw Enrollment and Attendance Center lossis hauv paus tuav tsev kawm ntawv tus **Homeless Program Coordinator (916-277-6892)** rau cov ntaub ntawv tseem ceeb rau kev sau/cuv npe kawm ntawv thiab saib tau daim ntawv qhia txoj cai "Summary of Rights for Homeless Students".

**Yog Tias Koj Muaj Lus Nug Ntau Tshaj No Thov Hu Rau Ntawm lub Chaw Enrollment and Attendance Center ntawm (916) 643-2400** lossis mus saib tau rau ntawm qhov vejxaij ntawm [www.scusd.edu/enrollment-center-k-12](http://www.scusd.edu/enrollment-center-k-12).

**21. Kuv nyob rau cheeb tsam mus kawm ntawv tau rau hauv Sacramento City Unified School District cov tsev kawm ntawv, tiamsis kuv tus menyuam ho kawm ntawv ntiav xwb. Ua li kuv puas muaj cai ua ntaub ntawv Sau Npe Xaiv Tsev Kawm Ntawv thiab?**

Tau, vim koj nyob rau ntawm koog tsev kawm ntawv ib cheeb tsam lawm.

**22. Cov menyuam kawm GATE puas muaj feem xub rho npe ua ntej?**

Tsis Muaj.

**23. Thaum twg thiab yuav ua licas kuv thiaj paub tias kuv daim ntawv "sau npe xaiv tsev kawm ntawv no" raug xaiv tau lawm?**

Peb yuav xa ntawv tuaj qhia rau koj paub hauv tsev xa ntawv. Daim ntawv no yuav muab xa tawm tuaj mus rau koj tsis pub dhau hnuv Monday **lub 4 hlis tim 1 xyoo 2019**. Nws tseem ceeb heev rau koj yuav tsum tso koj qhov chaw nyob kom raug rau hauv daim ntawv Qhib Sau Npe Xaiv Tsev Kawm Ntawv.

**24. . Leeg twg thiaj muaj feem yuav raug xaiv ua ntej tshaj?**

**Cov Muaj Feem Rho Npe Tshaj:**

Qhov Muaj Feem Thib 1

- Cov menyuam es **twb muaj** cov nus muag kawm nyob rau hauv lub tsev kawm ntawv ntawd lawm thiab tseem **yuav tau kawm ntxiv mus** rau xyoo kawm ntawv **2019-2020**.

Qhov Muaj Feem Thib 2

- Cov menyuam uas niamtxiv/tus saibxyuas ua haujlwm nyob hauv lub tsev kawm ntawv ntawd yog lub uas raug xaiv ntawd.



Qhov Muaj Feem Thib 3 (Yog Cov Thawj Tswj Haujlwm Feem Nrho Npe)

•Yog thaum muaj kev txawv txav ntawm lub tsev kawm ntawv, xws li yog raug muab kaw, hloov kev qhia thiab/ lossis muaj menyuum coob tshaj lawm, Koog Tsev Kawm Ntawv muaj feem muab cov menyuum faib mus kawm kom sib npaug rau cov xibfwb thiab cov tsev kawm ntawv.

**Mus Kawm Cov Tsev Kawm Ntawv Uas Tsis Raws Chaw Nyob:**

Qhov Muaj Feem Thib 1

•Cov menyuum uas twb muaj nug muag kawm nyob hauv lub tsev kawm ntawv ntawd lawm thiab tseem yuav tau kawm ntxiv mus rau xyoo tom ntej.

Qhov Muaj Feem Thib 2

•Cov menyuum uas niamtxiv/tus saibxyuas ua haujlwm nyob hauv lub tsev kawm ntawv ntawd.

Qhov Muaj Feem Thib 3

•Yog tag nrho cov menyuum uas nyob rau ib thaj tsam ntawm koog tsev kawm ntawv Sacramento City Unified School District, tiamsis tsis dhos rau feem ib lossis ob uas hais tag los saum toj no.

**25. Yuav ua licas yog tias kuv tus menyuum tsis raug xaiv mus kawm thawj lub tsev kawm ntawv uas kuv xaiv lossis lub kuv xaiv thib ob ntawd?**

Koj tus menyuum lub npe tsuas muab tso rau daim ntawv tos seb puas muaj chaw seem raws li qhov koj xaiv thib 1 nkaus xwb. Cov thawj xibfwb mam hu raws npe ntawm daim ntawv sau npe tos yog thaum twg muaj chaw seem. Cov neeg ua haujlwm ntawm lub Enrollment and Attendance Center mam hu nrog cov niamtxiv/tus saibxyuas yog hais tias muaj chaw seem.

**Cov menyuum sau npe thov mus kawm rau cov kev kawm tshwj xeeb (specialized program) tabsis ho ua tsis tau raws cov requirements yuav raug muab npe tso rau qhov kev npe rho/cuv xab lab.** Yog tias tus menyuum ntawv tseem tsis tau

sau npe kawm rau lwm lub tsev kawm ntawv, nws yuav tsum kawm rau ntawm nws lub tsev kawm ntawv raws nws lub chaw nyob lossis kawm rau lub uas nws kawm tam sim no.

**26. Cov hnuv thiab sijhawm sau npe xaiv tsev kawm ntawv no yog thaum twg?**

Yog hais tias thaum koj tus menyuum raug xaiv los kawm rau ntawm thawj lub tsev kawm ntawv lossis lub thib ob uas koj xaiv ntawd lawm, **koj yuav tsum mus sau koj tus menyuum npe** ntawm Enrollment Center rau lub tsev kawm ntawv tshiab uas koj xaiv tau ntawd nyob rau ntawm ob lub as thiv ntawm hnuv **Monday, lub 4 hlis tim 8 mus txog hnuv Friday, lub 4 hlis tim 12, 2019 (Cov hoob kas yuav kaw tsis ua haujlwm rau Spring Break rau lub 4 hlis tim 15-19) Kev sau/cuv npe kawm ntawv yuav rov pib rau hnuv Monday lub 4 hlis tim 22 mus txog hnuv Friday lub 4 hlis tim 26, 2019.** Yog hais tias koj ua ntaub ntawv sau npe tsis tiav rau lub sijhawm ntawv no ces koj tus menyuum yuav raug tshem npe tawm ntawv qhov kev xaiv tsev kawm ntawv kawm tam sim ntawd.

**27. Cov tsev kawm ntawv twg thiaj tsis muaj kev txwv txog kev sau npe raws chaw nyob?**

**Cov Tsev Kawm Ntawv Theem Elementary:**

**Chaw Nyob**

**Xov Tooj**

Bowling Green - Chacon Academy, Qib K-6	6807 Franklin Blvd., 95823	433-7321
Bowling Green - Ken McCoy Academy/PHI Qib K-6	4211 Turnbridge Drive, 95823	433-5426
Camellia Basic Qib 1-6	6600 Cougar Drive, 95828	395-4520
Phoebe Hearst Basic, Qib K-6	1410 60th Street, 95819	277-6690



**Cov Tsev Kawm Ntawv Qib K-8:**

Alice Birney Waldorf-Inspired K-8  
Leonardo da Vinci K-8

**Chaw Nyob**

6251 13<sup>th</sup> Street, 95831  
4701 Joaquin Way, 95822

**Xov Tooj**

395-4510  
395-4635

**28. Cov tsev kawm ntawv losyog cov kev kawm twg uas cov menyuum kawm ntawv yuav tsum muaj thiaj li yuav muaj feem koom tau nrog txoj kev rho npe xaiv tsev kawm ntawv? (Xav paub ntau ntxiv txog cov kev kawm lawv yuav tsum muaj no, thov mus nug lub tsev kawm ntawv losyog mus saib ntawm lub tsev kawm ntawv phab vejxaij ces nws yuav qhia tau kom meej ntxiv ib qho zuj zus.)**

**Cov Tsev Kawm Ntawv Theem Elementary**

Camellia Basic, Qib 1-6  
Phoebe Hearst Basic, Qib K-6

**Chaw Nyob**

6600 Cougar Drive, 95828  
1410 60th Street, 95819

**Xov Tooj**

395-4520  
277-6690

**Cov Tsev Kawm Ntawv Qib K-8:**

A.M. Winn Public Waldorf eK-8  
Alice Birney Waldorf-Inspired K-8  
Leonardo da Vinci K-8

**Chaw Nyob**

3351 Explorer Drive 95827  
6251 13<sup>th</sup> Street, 95831  
4701 Joaquin Way, 95822

**Xov Tooj**

228-5880  
395-4510  
395-4635

**29. Cov tsev kawm ntawv nws muaj nws cai kav tswj uas tsis zwm nrog SCUSD “independent charter”?**

**Cov Tsev Kawm Ntawv**

California Montessori, Qib K-8  
Capitol Collegiate Academy K-8  
Capitol Heights Academy, Qib K-8  
Growth Public Schools  
Language Academy, Qib K-8  
Sol Aureus College Prep K-8

**Chaw Nyob**

2635 Chestnut Hill Drive, 95826  
2118 Meadowview Road, 95832  
2520 33rd Street, 95817  
9320 Tech Center Drive, 95826  
2850 49<sup>th</sup> Street, 95817  
6620 Gloria Drive, 95831

**Xov Tooj**

325-0910  
476-5796  
739-8520  
394-5007  
277-7137  
421-0600

**St. Hope Public Schools**

- PS7 Elementary School, Qib K-5
- PS7 Middle School, Qib 6-8

Yav Pem Suab Academy (K-6)

5201 Strawberry Lane, 95820  
2315 34th Street, 95817  
7555 South Land Park Dr., 95831

649-7850  
649-7856  
433-5057

**30. Cov tsev kawm ntawv nws muaj nws cai kav tswj uas zwm nrog SCUSD “dependent charter”?**

**Cov Tsev Kawm Ntawv**

Bowling Green Charter – Chacon Language & Science, Qib K-6  
Bowling Green Charter –Ken McCoy Academy Qib K-6  
New Joseph Bonnheim Community Charter Qib K-6

**Chaw Nyob**

6807 Franklin Blvd., 95823  
4211 Turnbridge Drive, 95823  
7300 Marin Avenue, 95820

**Xov Tooj**

433-7321  
433-5426  
277-6294

Thov hu rau lub chaw Open Enrollment Department ntawm (916) 643-9075 yog xav paub ntau ntxiv. Koj kuj mus saib tau hauv paus tsev kawm ntawv phab vejxaij ntawm [www.scusd.edu/open-enrollment](http://www.scusd.edu/open-enrollment) ces nias qhov link “Open Enrollment”.